



Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1719

Quæst. 337. An & qualiter res & operæ propriæ & alienæ locari possint &
conduci.

[urn:nbn:de:hbz:466:1-73957](#)

non satis firmum videri ait Lauterb. §. 67. remittens ad Zoës b.t. num. 45. Sed tunc, ubi necessarius successor succedit ex persona & jure prædecessoris.

7. Quintò idem est, dum emptor, qui rem sub hasta venditam emit, cum omnis, qui per sententiam Judicis succedit in re locata stare teneatur locationi. Muller. loc. cit. cum Lauterb. in Synop. tr. b.t. num. 245. nisi ea facta sit in fraudem, ut idem cum Carpz. l. 5. tit. 3. resp. 17. n. 19.

Quæst. 335. Quænam res locari & conducti possint aut prohibeantur?

R Esp. regulariter locari & conducti ad usum possunt res omnes, quæ sunt in commercio, nec usi consumuntur, aut specialiter in jure ab hoc contractu eximuntur. l. 1. ff. b.t. Dixi: *nec usi consumuntur*: siquidem rerum fungibilium, seu quæ statim usi consumuntur, & quarum usus in ipsa assumptione consistit, non datur propriè locatio & conductio, l. 3. 1. ff. b.r. & Arg. l. 3. §. fin. ff. *commodat*. ex ea ratione, quod finito usu restitui nequeant, pro ut requiritur ad conductionem, &, quod in iis rebus dominium transeat in eum, cui conceduntur, ut Lauterb. b.t. §. 19. quod est contra naturam locationis. Unde jam etiam in genere dici nequit, quod res omnes, quæ emi & vendi possunt possint etiam locari & conducti, dum etiam res istiusmodi fungibles emuntur & venduntur. Dum tamen quis eis tantum uti vellet ad pompan salvā eorum substantiā, etiam propriè in hunc finem locari & conducti possent juxta cit. l. 3. sic quo locari & conducti possunt opera personarum omnes, modò sunt honestæ & mercede astimari solite, ita ut inde in conducecent utilitas, redundet l. 5. §. 2. ff. de *prescrip. verbis*. Lauterb. §. 27. quales quia non sunt, in hunc contractum deduci non posse propter eorum gravitatem & dignitatem operas Professorum, Advocatorum, Medicorum & similium, quæ magis viribus ingenii quam corporis expedientur. Unde & quod illis præstat, non tanquam operarum præstatum astimatio & in compensationem illarum, sed potius in remunerationem & animi grati demonstrationem solvi, ut proinde non merces, sed honorarium seu salary dicatur, et si de jure civili extraordinarie petatur, astruit Lauterb. §. 28. citatis. l. 5. §. 2. ff. de P. V. Franzk. b.t. n. 58. & seq. Bachov. & aliis. vide de his fusc Muller. ad Struv. b.t. th. 4. Lit. s.

Quæst. 336. An & qualiter res incorporeæ locari & conducti possint?

R Esp. ex eo capite ab hoc contractu eas non excludi, Carpz. l. 2. resp. 15. num. 1. Lauterb. b.t. §. 29. Sic enim locantur, varia jura, & in specie locatur jus vestigial. l. 4. C. *vestigial. nov. inst. non poss.* Lauterb. loc. cit. item ususfructus. §. 1. *Inst. de usu & habu. l. 18. C. de jur. dot.* Lauterb. loc. cit. remittens adl. 9. §. 1. ff. b.t. & Brunem. ibidem, & Caroc. de locat. & cond. p. 2. g. 38. & seq. Item jurisdictio Lauterb. cum Carpz. cit. resp. 15. num. 3. ubi is: hodie plurimas civitates titulo locati conducti exercere jurisdictionem competit: ubi & in sequentibus probat, prædio, cui jurisdiction adhæret, locato, etiam, jurisdictionem locata videri. Quod etiam de jure patronatus defendit. Nihilominus servitutes prædiales seu rurales, ut sunt iter, actus, via, jus pascendi locati non posse, ajunt Reif-

fenst. b.t. n. 19. Wiestner. n. 4. juxta l. *locare eff. b.t.* dum ibi dicitur: lacare servitatem nemo potest. Ex ea etiam ratione, quia servitus ad tempus constitui nequeat. l. 4. ff. *deservit*. Verum id sic limitandum: nisi locentur servitutes, unà cum prædio seu fundo, cui adhærent. Wiestn. loc. cit. Muller. in Struv. b.t. Lit. a, ubi etiam citato pro hoc Butrio in c. ex literis. de jurepa. num. 8. quod hacratione jus patronatus annexum prædio cum aliis juribus annexis locari possit, & conductor illius præsentare. Secus de cetero est de servitibus personalibus juxta §. 1. & 5. Inst. de usu & habu. juncta l. usque eoff. eod. Sed neque jus cuendæ monetæ alteri locari posse per sanctionem pragmaticam & publicam Imperii in edito Ferdinandi I. de anno 1559. idque ex ratione, ne à conductoribus moneta depravetur, quod minuit famam Principis, testatur Lauterb. §. 21. quem vide.

Quæst. 337. An & qualiter res & opere proprie & alienæ locari & conducti possint?

1. R Esp. ad primū: rem propriam locatoris ab eo locari posse alteri, extra dubium est, modò eam aliunde non repugnet locari. Ideo est de opera propria locatoris locari solita. Res vero conductoris propria regulariter eidem locari seu ab eo conducti nequit, etiam dum locator, quin & ipse conductor existimaret alienam juxta expressos textus. l. 9. §. fin. ff. b.t. l. 45. ff. de regul. jur. l. qui rem. C. b.t. et que ratio manifesta; quia nimis deficit objectum locationis, nempe usus rei, utpote qui domino rei ab alio concedi seu præstari nequit, cum is eum jam habeat jure dominii. Lauterb. §. 26. juxta Leges cit. Limitatur nihilominus hoc ipsum primò ita ut debitor, qui rem suam creditori in pignus dedit ab eodem eam conducere possit. l. 37. ff. de pignor. aet. l. cum & foris. ff. eod. Lauterb. §. 26. Muller. loc. cit. secundò dominus conducere potest rem propriam, ubi titulus ad dominium transferendum habilis præcessit; ut si vendor rem suam alteri vendidisset, & nondum tamen traditam ab emptore certa mercede conduceret Lauterb. l. c. verum, ut idem, hæc non tam erit conductio rei conductoris propriæ quam alienæ, nimis propriæ emptoris; cum eo ipso, quod vendor eam conduceret, incipite eam possidere nomine emptoris, & sic citra aliam traditionem fictione brevis manus ejusdem rei possessionem & per consequentiam dominium in emptorem suo ministerio transfert vendor. Tertiò omnes ii, qui non habent perfectum seu plenum rei dominium, possunt conducere rem suam; V. g. dominus feudi, habens solum dominium directum potest conducere feudum seu rem feudalem à suo Vasallo. Lauterb. loc. cit.

2. Resp. ad secundū: possunt quoque tam operæ quam res alienæ, seu non domini locari & conducti. l. 9. & 25. & 27. de oper. libert. Et quidem, quod spectat ad operas, potest dominus servi sui operas locare alteri juxta LL. cit. sic quoque conductor operas conductas, si de contraria contrahentium mente non constat, locare denudo potest alteri. l. 7. ff. l. 6. C. b.t. Lauterb. §. 29. quod spectat ad res, possunt quoque ea locari & conducti à non dominis earum (et si, ut Bachov. apud Lauterb. §. 22. locator, sciens rem alienam, committat furtum) l. 7. 9. 15. ff. b.t. ita ut etiam locator rei alienæ pro eo tempore, quo conductor eâ usus, mercedem exigere

exigere possit. Lauterb. loc. cit. cum Mantic. de tac. & amb. convent. l. 5. tit. 3. num. 1. ubi vero supervenientis rei locatae dominus eandem vindicando conductori auffert, tenetur locator sciens rem esse alienam conductori ad intereste l. 7. 9. & 15. ff. b. t. Muller. loc. cit. lit. a. quamvis Lauterb. cit. §. 22. addat, teneri ad hoc locatorem, sive sciverit, sive ignoraverit esse alienam. Arg. l. 19. §. 1. ff. b. t. Modò tamen aliqua culpa illius intercesserit; eò quòd ubi quis re uti prohibetur locatoris culpâ, ibi intereste petatur, licet conductor rei conditionem ignoraverit, quam tamen scire debuit, ita tamen, ut ab hoc intereste præstanto locator ignorans liberetur, rem similem, non minus commodam conductori præstanto, ut Lauterb. cum Franzk. loc. cit. num. 48. cùm usus, qui hic transfertur, facilitus per æquipollens suppletatur. Gomez. 2. var. c. 32. secus, ac accidit in venditionibus similibusque contractibus, in quibus aliud pro alio substitui invito nequit. Ut etiam à præstanto intereste liberatur exceptione justæ ignorantiae. V. g. quòd rem bona fide ab alio emerit, sive sine dolo & culpa rem alienam locaverit. Arg. l. 9. ff. b. t. conductor tamen, qui sciens rem esse alienam, conduxit, ob rem evictam ad intereste agere nequit. Arg. cit. l. 9. De cetero res conducta à conductore, adeoque respectu illius aliena, alteri æque idoneo ad eundem usum (non ad alium, cùm nec ipse conductor primus eá ad alium usum, quād ad quem conducta, uti possit juxta l. 6. C. & 7. ff. b. t. Molin. d. 489. num. 1. Lauterb. §. 23.) locari potest. Arg. l. 7. ff. de usu & hab. Sic v. gr. studiosum ante tempus conductionis elapsum recedentem è domo conducta, posse in conductione subrogare sibi alium pium & quietum, habet Rebuff. de privil. universit. privil. 12. num. 1. apud Lauterb. loc. cit. ita tamen, ut secundus hic conductor, licet tantum locator suo, & non primo locatori, teneatur actione personali ad solvendam pensionem, res tamen ipsius, quas in predium urbanum induxit, & fructus pradii rustici pro ea parte & pensione sub qua conduxit, per modum hypothecæ tacita obligentur primo locatori, eiique contra illum competit aetio hypothecaria. Uti hæc sumuntur ex l. 4. & 7. ff. in quib. caus. pign. tacite contrah. & l. 11. ff. de pignor. act. Lauterb. loc. cit. Paro modo potest usufructarius rem alienam usufructuariam locare alteri l. 9. ff. b. t. Lauterb. loc. cit. quem vide. Idem dicendum de vasallo, quem, etiam sine consensu domini, feodium bona fide posse locare alteri, etiam ad longum tempus, tenent Lauterb. §. 24. Muller. l. c. lit. a. citans Vultejum l. 1. de feud. c. 2. num. 9. juxta textum §. donare l. 1. 2. feud. tit. 9. Qui textus loquitur generaliter, & ad valorem talis locationis aliud non requirit, quād ut non sit fraudulenta, & non vergat in contemptum domini; uti in eam non vergit, dum per eam non transfertur dominium, neque etiam possessio rei feudalnis; neque vasallus locans fraudat dominum debitis ei oblige-

quiis; cùm etiam ipsi ex mercede locationis accepta defervire valeat, ut Arunæ. disp. feud. 7. thes. 8. & locatoris jure resoluto seu perempto, resolvatur quoque jus illud conductoris juxta l. 9. ff. b. t. l. 69. de legat. Ad hæc, ut Lauterb. successor feudi seu in feudo non teneatur stare hujusmodi locationi factæ à prædecessore vasallo.

Quæst. 338. An res publicæ locari & conducti possint?

R Esp. Res publicæ ad Fiscum vel Rempublicam spectantes, tam corporales, ut sunt prædia civilia & fiscalia, quād incorporales, quæ in jure consistunt, ut sunt redditus ex salinis, metallifodinis, vectigalibus provenientes à Filco vel Republica locari possunt quibuscumque, & à quibuscumque privatis conducti possunt, exceptis iis, quibus locari, & à quibus conducti specialiter prohibitum. Muller. in Siruv. b. t. thes. 4. lit. c. imprimis tamen locandæ dicitibus, ut idem juxta l. 1. C. de locat. præd. civil. Non tamen hi conductores conductionem continuare cogi possint, si elapsi locationis tempore res tales tantidem conduce nequeunt. Idem juxta l. 3. §. 6. de jur. fisc. nisi forte ex antecedente etiam finita locatione maximos consecuti sint fructus, l. 11. §. fin. de publ. & veclig. ii vero, quibus istiusmodi res locari specialiter prohibentur, sunt ferè frequentes; qui prioris conductionis mercede non solverunt, ex ea ratione, ne ex illa causa contracta debita aggraventur, L. locatio. §. 2. de publ. & veclig. nisi tamen fidejulsores idoneos obtulerint, cit. L. Item tutores & curatores adhuc tutelam & curam administrantes, aut qui eā deposita rationes illius necdum reddiderunt; secus tamen, si tam pupillis quam vectigalibus satisfecerint, L. unic. C. tut. vel curat. veclig. cond. Item minores 25. annis ob beneficium restitutiois in integrum, quo fruuntur, L. in fraudem. §. fin. ff. de jur. fisc. Item clerici, Novell. 123. c. 6. Item Judæi, c. penult. de Juda, Muller. loc. cit. Ac denique milites & curiales, L. unic. C. quib. ad conduct. præd. civil. acced. non licet, L. milites. L. licet. C. locat.

Quæst. 339. An & qualiter res ecclesiastice locari & conducti possint?

1. R Esp. primò: Beneficia ipsa, dignitates regimē spirituale animarum, aut jurisdictionem ecclesiasticam habentes eti⁹ commendari & committi valeant, nullatenus tamen locari & conducti pro mercede posse extra dubium est, & constat ex tit. ne præl. vices suas; ubi de eo ex professo.

2. R Esp. secundò: Quomodo vero res ipsa temporales ecclesiastice, seu spectantes ad ecclesiias, monasteria aliaque loca sacra & religiosa; item redditus, proventus, fructus earum, etiam ipsorum beneficiorum locari possint, etiam laicis, latè dictum est supra ad tit. 13. de reb. eccl. alien. quæ vid.